

contra sier Zuan Vitturi fo bandito, et parlò sier Gabriel Venier avogador, con còlora. Et li rispose sier Mafio Lion *olim* avogador di Comun in questo caxo, et parlò per excellentia et fo molto laudato.

Da poi, per sier Gabriel Venier, sier Hironimo da chà da Pexaro avogadori di Comun, sier Giacomo da Canal et sier Zuan Contarini, *olim* avogadori in questo caso, messeno la infrascritta parte :

Quod ista pars posita et capta in Consilio duarum Quarantiarum, interveniente Serenissimo Principe sub die 23 Junii 1531, explicata per V. N. ser Alovisium Baduario, ser Stephanum Teupulo et ser Mapheum Leono ac qu. ser Angelum Gabriel advocatos phiscales : Quod vi nobilis ser Joannes Viturio olim provisor generalis imputatione quod derobaverit et per multas fraudes et dolos subtraxerit notabilem summam pecuniarum illustrissimi Domini, tam in solvendum peditibus et capitaneis eorum, quam etiam in administratione frumenti et aliarum bladarum pertinentium ad prelibatum Dominium commisit quoque alias extursiones honorum et rerum tam contra privatis et publicis personis ac multa alia detestanda et favorosa perpetravit etc., ut in ea, tamquam pars iniusta, indebita et contra stilum, observantiam ac consuetudinem officii Advocariae, ac mali et periculosi exempli, sicut huic Consilio dictum, ostensum et declaratum est, auctoritate huius Consilii incidatur, cassetur et revocetur cum seculis et dependentiis suis, sic quod de coeterno nullius valoris vel vigoris existat, ac si minime posita et capta fuisset. Non derogando propterea Advocatores ipsi possint ire ad quod Consilium voluerit et ponere de retinendo ipsum ser Johannem Viturio iuxta ordinem et debitum iustitiae.

Et sacramentato Consilio fuerunt: de parte 23, de non 46, non sincere 6, et capta fuit, de non.

Da poi disnar, fo Conseio di X con Zonta. Fu preso che *de coeterno* la Zonta dil Conseio di X, cussi come si elezeva per quelli dil Conseio de Pregadi quan to si andava a capello in Gran Conseio, cussi *de coeterno* sia electa nel Conseio di Pregadi per quelli di Pregadi quando si eleze la Zonta dil Conseio di Pregadi il zorno di San Michiel, aziò li Procuratori che quello zorno che si eleze non poleno venir a Conseio, si possino, volendo far nominar, hessendo loro in Pregadi.

Item, preseno a requisition di Procuratori che

hanno richiesto et *maxime* quelli di la Procuratia *de supra*, che li electi, non volendo esser ballotadi, possino dir al Canzelier grandò over al suo vice gerente, « non voio esser ballotà di tre per venir nel Conseio di X, » *excepto* quelli havesseno titolo di esser stati Consieri o Savi dil Conseio.

Fu preso una gratia a quelli di Chioza, che alcune barche con formenti, quale sono per la parte venute in questa terra, havendo comprà per quella comunità, siano licenziate ad poter discargar a Chioza.

Fu posto, per li Cai di X, di far do proveditori sora la Zecha per uno anno, in questo Conseio, uno di quai tengi el zornal, et altre clausule. Et sier Nicolò Venier, è dil Conseio di X, stato sora la Zecha, andò in renga, dicendo dieno veder le operation di quelli stati sora la Zecha. Et contradixè la parte sier Marco Antonio Grimani savio a Teraferma, et ben, dicendo se dia far del corpo dil Conseio di X, et non per far intrar do nel Conseio di X, et che non bisogna questo per esser quel sora la Zecha che ha questo cargo. Li rispose sier Daniel Renier savio dil Conseio et li dete bote grande. Il qual sier Marco Antonio tornò in renga, et li rispose gaiardamente, dandoli mazor bote a lui. Da poi parlò sier Hironimo Querini, è sora le Biave, stato a la Zecha, dicendo: « volè tegnir el zornal, et il masser li danari et li ori et arzenti; come se pol far queste cose ? » Fo altre parole. Parlò *etiam* sier Gasparo Malipiero et sier Alvise Mozenigo el cavalier, savi dil Conseio, contra la parte, sichè non la mandorono.

Fu posto la gratia di Hironimo Alberti segretario, vol l'officio di nodaro a li Auditori nuovi primo vacante et lassar li ducati 100 sora el vicarià di Feltre, et questo atento le sue fatiche et meriti *ut in supplicatione*. Et contradixè sier Gasparo Malipiero savio dil Conseio, et li Cai non mandono la parte.

Fu posto

Et nel Conseio semplice ballotono di secretari, di remaner tre in Pregadi, et rimase Zuan Negro et Zuan Francesco Ottobon; cazele et fo soto Marco Antonio Moriani, Inzegner Inzegner, Zuan Inzegner, Phebus Capella, Zuan Francesco di Ruberti, Beneto Ramberti, Domenego Bivilacqua et altri, numero 16, non passò se non do, solo il Moriani mancava una ballota a passar.

A dì 26. La matina, vene in Collegio il legato dil Pontefice et ave audientia con li Cai di X, in materia di le monache dil *Corpus Domini*. Et